



DEO OPTIMO MAXIMO
UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ-quartâ
mensis Maii, anno Domini M. DCC. LXXVIII.*

M. PHILIPPO-ALEXANDRO BACHER;

Doctore Medico Præfide.

An à primariâ vulnerum conditione, ipsorum-met lethalitas apud judices repetenda ?

I.



INTER varias Medicinæ legalis partes, illud speciale habet quam hodie tractandam suscepimus quæstio, quòd nulla frequentiore in usum veniat, paucæque gravius habeant objectum. *Illâ enim materies est valde practicabilis* ut ait Paulus Zachias, ibique agitur de reo absolvendo vel capitali pœnâ plectendo. Quantum igitur omnis medici referat illam variis suis sub respectibus cognoscere, dictu supervacaneum foret.

Vulnus in Pathologiâ definitur : soluta cohæsi recens in partibus mollibus ab instrumento acuto facta. Apud medico-legistas verò latior est vulneris idea.

A

Quid sit vul-
nus in Medi-
cinâ legali.

Vulneris di-
visiones.

Sub vulneris nomine, omnem læsionem externam violenter perpetratam intelli-
gunt, sive illa sit contusio, punctio, sectio, plaga, fractura, distorsio, luxatio,
percussio. Illic vulnera distinguuntur in simplicia, composita & complicata; hic
verò in absolutè lethalia, per se lethalia, periculosa, & lethalia per accidens.
Absolutè lethale dicitur illud vulnus quod omnem medelam auficiens semper
& brevi tempore vitam auferit; per se lethale nuncupatur illud quod homi-
nem immediatè è vivis tollit, seu inter quod & mortem nulla alia causa
interest; periculosum, aliàs ut plurimum lethale, illud est vulnus quod sæpius ad
mortem quam ad salutem vergit; per accidens denique lethale illud est, quod
ex suâ naturâ sanabile mortem non infert, nisi ab omisiss vel commissis casu
fortuito. Quas divisiones juxtâ Bohonium ad duas reducimus, nempe ad vulnera
per se lethalia & lethalia per accidens. Igitur sub nomine vulnerum lethalium
hic accipiemus vulnera tum absolutè, tum per se, tum ut plurimum lethalia.
In disquisitione enim legali non queritur theoreticè utrùm vulnus lethale sit,
& quâvis concipiatur illius lethalitatis gradus, sed utrùm tale vulnus, mense-
terii v. g. juxtâ regulas artis communes simpliciter consideratum, lethalitatem
asserre debeat si vulneratus vivit, vel reverà intulerit, si jam mortuus est. Nihilo-
minus tamen gradum lethalitatis designare licet, quantum fieri poterit, non
tam ad judicii necessitatem quam ad artis perfectionem & incrementum.

Duplex
phenomeno-
rum divisio
in omni vul-
nere distin-
guenda.

In omni vulnere duplicem phenomenorum ordinem distinguunt Pathologi,
aliud vulnere proximum, qualia sunt hæmorrhagia, dolor, coagulatio, tumor;
aliud remotiorem, qualia calor, rubor, pulsatio, suppuratio, decubatio & ci-
catrisatio. Pariter duplex phenomenorum classis in vulnere distinguenda rela-
tivè ad vulnere lethalitatem; alia vulnere intrinseca & essentialis, alia vulnere
extrinseca & accidentalis: prioris sunt, quæcumque sunt à naturâ & situ par-
tis vulneratæ, à *quantitate & qualitate* vulneris, ab ætate, sexu & statu homi-
nis vulnerati, eaque omnia primariam vulnere statuunt conditionem. Secun-
dum ordinem constituunt dispositio vulneris quælibet oriunda à morbis præce-
dantibus, temperamento, incuriâ, errore medentis, neglectu ægri, loco, tem-
pore & ab aliis planè morbo contingentibus: quæ omnia vulneris conditionem
secundariam vocamus. Porro sive ex historiâ & cadavere ægri à vulnere pe-
rempti, sive ex aspectabili ægri vulnerati statu pronuntiandum habeat Medicus,
non sufficit vulneris phenomenorum etiam attenta ponderatio. Requiritur insu-
per, ut post institutam binam hanc-ec classem, prudenter subodoretur, an ex
utrâque, an alterâ tantum, & quodnam argumentorum genus debeat haurire.
Sequentibus verò statuere speramus quamlibet ex illis classem præcipuè interrogare
debeat Medicus, quomodo illam interrogare debeat, & quodnam commodum asserre
possit alterius classis consideratio.

II.

Quamlibet
classem præ-
cipuè consi-
derare debet
Medicus.

Quid eam
prehendere
primariam vul-
neris condi-
tione.

IN quæstionibus de lethalitate vulnere, illud unum à medicis exposculant ju-
dices, ut veros & genuinos vulnere effectus explicent. Ex illis enim effecti-
bus pronâ consequentiâ patet, utrùm mors à vulnere tanquam à causâ secutura
sit, si vivat adhuc vulneratus; an verò mors jam conclamata ab ipso vulnere
profluerit, si jam mortuus sit. Lethale enim vulnus illud est quod cito vel tar-
diori sed semper ineluctabili effectû vitam tollit. Verum illa inter effectus &
causas continua series & reciprocatio legitime non deducitur, nisi ex phæno-
menis in primario vulneris statu existentibus. Natura & situs partis vulneratæ,
quantitas & qualitas vulneris, ætas, sexus & status vulnerati, en sincerus phæ-
nomenorum tons tunc temporis observanti obvius; adeoque ex iis primaria

vulneris conditio petenda est. Porro ab illis tantum fluunt veri effectus à vulnere pendentes.

Natura partis vulneratæ comprehendit illius texturam & usum; ex texturâ jam prævidetur fors partis vulneratæ. Sic innocua sunt pleraque cutis & musculorum vulnera; periculosa verò nonnunquam evadunt quæ tendinibus, nervis, membranis insiguntur. Hujusce differentię rationem facili desumas ex naturâ partium: quæ in primo casu sibiimet tantum patientes intra se malum sistant & facile reparantur; quæ autem in altero casu non solum sunt irritabiles, vel ita retractiles ut coerceri nequeant, sed sympathiâ quâdam in consortium doloris & infortunii partes omnes corporis advocant. Nihil mirum igitur si nervorum & aponevrosium læsiones mali ominis sæpe fiant.

Quæ à texturâ indicatur lethalitas brevi confirmatur, ad usum partis vulneratæ attendendo. In illo casu certum auxilium præstat Physiologia. Quicumque enim ex illâ quadruplicem novit functionum divisionem, vitalem scilicet, animale, naturalem, sexuale & quæque ab iis pendent, potissimum ad lethalitatem vulnere judicandam medium obtinet. Quæ immediatè functiones vitales sufflaminant vulnera, absolute lethalia sunt; quæ mediatè, per se simpliciter lethalia dicuntur; utraque verò ad nostrum sensum æqualiter mortem inferunt. Talia sunt omnia vulnera quæ circulationi, respiratori, cerebri actioni, vel obstant vel brevi sunt obstitura. Ea est nempe vitalium functionum natura & necessitas, ut si pro momento, per certum tamen temporis spatium absque morte suspendi non possint. Inter functiones naturales una adest maxime composita & gravis, scilicet chilopoiesis; maxima pars enim instrumentorum ipsius mechanismo intervenientium, ita est corpori necessaria, ut si unum ex illis modo lædatur immedicabili, certa mors imminet. Inde lethalitas tam frequens à plerisque abdominis vulneribus. Animales verò functiones sine vitæ discrimine interrumpi possunt, sed si omnes vulnere pessumdentur, nulla superest speranda sanitas. Hinc *anaesthesia* ex vulnere lethalis. Inter sexus functiones, nulla tam necessaria ut absentia suâ mortem suscitare valeat, sed non minus lethifera quædam genitalium partium læsiones.

Iis ritè perpensis, si supersit adhuc dubium, illud solvent ultiores considerationes, scilicet vulneris situs, ipsius *quantitas* & *qualitas*, sexus, ætas vel status vulnerati.

Primò situs examinandus. Quæ enim nec texturâ, nec usu lethalia apparent vulnera, talia judicari necesse est, si tam occulta sit pars vulnerata ut ipsius læsio tardissime cognoscatur, vel si cognoscatur, non idè medicaminis afferendi adsit possibilitas. Sic quorundam abdominis vasorum dissectionem sequitur lethalitas ex impossibili medelâ; sic quædam pulmonis & cerebri læsiones certè non nisi post mortem apparent & quasi syderati ægri cadunt diu post acceptum vulnus.

Secundò *quantitas* & *qualitas* vulneris, pluries solæ sunt lethalitatis causæ. Partium enim vitalibus functionibus etiam dicatarum vulnera quædam, non sunt lethalia propter exilitatem, dum magna cutis & musculorum vulnera mortem quandoque inferunt, ob convulsionem à dolore & mutatione subitâ oriundam. *Qualitas* vulneris suo modo fit lethifera, si quidem sæpe exilissimo vulneri mors cito supervenit, ut in vulneribus quibusdam abdominis, tendinum & nervorum, citè in vulneribus per sclopetâ & instrumenta venenata productis.

Tertiò sexus, ætas & status æstimanda veniunt. Quis enim nescit vulnera quælibet eâ solâ ratione esse lethalia, quòd tali subiecto, vel subiecto in tali statu illata fuerint. Sic in infantibus vulnera abdominis propter vasa umbilicalia, vulnera calvarię propter ossium naturam lethalia sunt, quæ vix conspicua fuisset.

A ij

Quid sit natura partis vulneratæ.

Textura partis.

Ufus.

Situs.

Quantitas & *qualitas* vulneris.

Sexus, ætas & status vulnerati.

sunt in adultis; sic in senibus *quantitas* vulneris adest etiam ex parvo vulnere, consolidatio difficilis, gangraena timenda; sic in gravidis vulnusculum, contusio, compressio sola, tristes saepe exerunt effectus.

Symptomata
hæc omnia
dignoscuntur.

lis omnibus evolvendis facile concipitur quam conducat & requiratur singulorum symptomatum primo vulneris tempore existentium cognitio. Verum non satis illa symptomata observasse vel ex vulnerati historiam collegisse, illorum adhuc adæquata & consonans instituenda est ætiologia. Nulium enim de iis dubium remanere debet. Vel illorum connexio, vel illorum disparitas cum vulnere demonstranda est; vel denique si symptomata mixta sint, quid vulnus, quid contingentia vulnere extrinseca intulerint, determinandum. Illud verò solâ symptomatum comparatione pathologica obtineri potest; sic ex cognita semeiotice stupor, stertor, delirium, vomitus, extranea capitis læsioni non videbuntur symptomata. Sic apoplexia, vulnere abdominis, vel pleuritis vesicæ læsioni supervenientes vulneribus inscriptis non adscribentur. Ad sunt certe casus plurimi longè difficiliores, sed jam probatum confidimus, à primariâ vulnerum conditione, genuinos vulnerum effectus, proindeque ipsorum-met lethaliatem medico sagaci indicari.

III.

Quomodo
primaria vul-
neris condi-
tio interro-
ganda sit in
variis corpo-
ris humani
partibus.

QUAM ratiocinio obtinimus veritatem, eadem Principum artis autoritate suffulta nititur. Perlustremus enim verò tabulas ab illis de lethaliitate vulnerum conscriptas, ipsasque ad normam regularum præpositarum constatas deprehendimus. Hic autem quid præstantius facere licet quam si illorum doctrinæ compendium exponamus.

Vulnera ca-
pitis.

Integumen-
torum.

Cracii.

Et primum, ut cuidam methodo insillamus, inter externa capitis integumenta solius pericranii vulnera gravibus quandoque symptomatibus sunt obnoxia. Nequaquam tamen periculosa dici posse docet partis natura, situs, facillique medela. Ex eodem criterio musculi temporalis vulnus nunquam per se lethale iudicatur, licet contrarium dixerit Hippocrates & quidquid illius sententiæ favere videantur hæmorrhagiæ & convulsiones ab illo vulnere saepe oriundæ (1). Calvariæ fractura per se non est lethalis, sed propter adjuncta, scilicet cerebri commotionem, compressionem, lacerationem, vasorumque rupturas. Quæ tamen nec omnis fracturæ sunt sequelæ, nec etiam cum adsunt, vulnus lethale semper continuant. Lethalitas nihilominus cum pluries succedat illis casibus, illi casus lethiferi præcisè determinandi sunt.

Accidunt verò illi quoties læsio ita est enormis vel ita latitans ut ipsi succurrere supervacaneum sit vel impossibile. Læsionis magnitudo pendet à *quantitate* vel à *qualitate* vulneris; *quantitas* vulneris nihil aliud est quam ejus extensio & profunditas; *qualitas* verò vulneris, est quædam conditio a vi inscripta, modo insligendi & naturâ instrumenti vulnerantis oriunda.

Non ex solo vulnere sed tantum ex *quantitate* vulneris lethalia judicantur cerebri vulnera; corticis enim sicut & medullæ vulnera quinimò ad ventriculos etiam penetrantia pluries sanationem experta sunt (2). Undè meritò autores

Meningum.

(1) Numerosa exempla horum vulnerum feliciter sanatorum refert Bohnus, tum ex se tum ex multis autoribus. *De vuln. relat. pag. 40.*

(2) Cani majori cerebrum tessellatum dissecabatur ferè per integram horam & non moriebatur. *Perrault, Mécanique des Animaux.*

Ex Bohno, cellarius cui ex vulnere ventriculus cerebri posterior destructus fuerat, nihilominus restitutus fuit. *Bohn. ibid. pag. 184.*

Alios tamen rarioribus illis nititur nostrum judicium de cerebri vulneribus, quam generali consensu. *Vid. Bohm. ibid. pag. 44.*

commendandi attendunt maximè ad figuram instrumenti vulnerantis in capitis læsionibus & eas eò periculosiores habent, quòd ab instrumento obrufiore, vel à casu ab alto factæ fuerint. *Quantitas* vulneris sit etiam lethalitatis iudicium in duræ piæque matris, nec-non quandòque in sinuum vulneribus. Qui enim aliter sentiunt & falsâ Physiologiâ diriguntur (3) & artis succellibus repetitis refelluntur. *Quantitas* verò vulneris non solum oculo patet sed propriis commotioni signis brevi evidens apparct.

Cer. dri.

Ex *qualitate* vulnera cerebri funesta sunt pluribus modis. Non solum enim lethalibus vulneribus adscribas quæ contusione vel dilaceratione notabilia sunt, aut quæ sclopetorum vel instrumentorum venenatorum ope producantur; sed etiam gravissima censeas ea, quæ vel modo inflicti, vel figurâ & acie instrumenti vulnerantis immedicabile malum generare possunt. Hujusmodi sunt vulnera ab instrumento acuto punctim illata, præsertim in quibusdani calvarie partibus, quales & inferiora orbitæ oculi (4), & ossis ethmoidis (5); quæ vulnera specie primò parva, brevi tamen tentis symptomatibus pessimam nuntiant indolem.

Cerebelli.

Si verò vulnus ad eò sit profundum ut cerebellum attingat, mors est in promptu. Cerebelli enim vulneribus serò semper Medicina paratur (6).

Quibus lethalitas advenit propter medelam necessariò tardiozem vel impossibilem, ea sunt vulnera quorum læsiones dignosci non possunt. Illud sæpè accidit in fissuris & contrafissuris. Diagnostici fissurarum difficultatem aliàs jam notavimus (7). Aliæ reperiuntur passim apud authores (8). Quid dicam de hiatus fissurarum cujus meminit Bohnius, & qui licet hodiè cognoscatnr nunquam fortè conjeiciendus erit præsertim in base cranii. Contrafissurarum existentiam nemo nunc ambigit. Vulnera capitis rectilinea obliquis sunt periculosiora, ait Hippocrates, & quod ex genio præsenferat divus senex ac hodiernâ Anatomâ explicatur. Contrafissuræ tamen non ideò faciliùs cognoscuntur. Quid igitur de his statuendum in quæstione presenti? Nùm in obscuritate diagnostici reperiri possunt neglectæ medellæ v. g. terebrationis excusationes? Nùm illi casus excusabiles præcise designari possunt? Iudicium sanè difficile. Attentè tamen noter Medicus quòd in istu vel vulnere graviori rarò audiendæ sint illæ excusationes. Licet enim in illo casu lateat sedes fissuræ vel contrafissuræ, adsunt symptomata quæ noxam cerebro illatam indicant. Ex illis verò symptomatibus medico non ignotis terebrationis exurgit indicatio; nec illam vetant situs futuræ, vel temporum, nec etiam tempus à vulnere clapsum, dummodò sufficientes vires adfuerint.

Fissuram & contrafissuram craniæ & iudicium.

Medullæ spinalis in dorso & in collo læsiones non absimili modo mortem inferunt, tum ex compressione, tum ex vaforum sanguineorum rupturâ. Vulnus,

Medullæ spinalis vulnera.

(3) Bohnius, Teichmeier & alii motum musculorum & vitalem in meningibus admittunt ex Bellini. *Vid. Teichmeier. Instit. Med. legal. cap. 23. pag. 206.*

(4) Juris studiosus infra orbitam sinistri oculi ense punctim vulneratus fuit & post 24 horas apoplecticus factus mortuus est. *van-Swieten. in aph. 170.*

(5) Vulnerabatur homo baculi extremo non admodum acuto in oculi sinistri orbitâ; illis qui curationi præerant videbatur exigui momenti vulnus, brevi tamen periit vulneratus. *Iam. ibid. pag. 252. tom. 1.*

(6) Jam laudatus Perrault mortem conciliavit cani citato statim ut ad cerebellum pergit.

(7) Abicellus enim & carici sub-parietalis parte anteriore cerebri exemplum retulimus. *Vid. nostram Thesim Physiologicam, pag. 11.*

(8) Sutor post ictum in parietalem leviam tantummodò patitur & brevi consolidatur integumenta. Quinquaginta autem abhinc diebus quosdam dolores capitis, passus subito periit. In cada-veris examine nihil exterius apparebat, in interiore verò capitis parte, fissura detecta est in secundâ cranii tabulâ sub ictu. *Vid. L'art de faire des rapports en Chirurgie, pag. 82.*

punctio, fractura idem producant. Quoad luxationem plùs nocet luxatio unius vertebrae quàm plurium (9). Denique commotionem funestam recipere potest spinæ non secus ac cerebri medulla (10). Medullæ lumbaris vulnera minùs periculosa dicès, tùm ex naturâ & usû, tùm ex repetitis observationibus.

Nervorum.

Nervorum vulnera in magnis truncis certò lethalia tene, tùm propter naturam & originem, tùm propter cessationem functionum quibus præsidet; nec minùs periculosa quandoque videntur non solum in plexibus sed etiam in ramis, sive à convulsione oriundâ, sive à medellâ impossibili (11).

Colli.

Tres partes numerantur in collo quorum funestos vulnera sortiuntur effectus. 1^a. vasa: carotidum enim vulnera ex impossibili, jugularium verò ex tardiori medellâ mortem inducunt. 2^a. Trachea: ut textus & situs hujus-ce organi partium differunt, ita & vulnera. In parte superiori quantitas sola vulneris lethali- tatem generare potest ex suppressâ respiratione; in mediâ maximè compositâ & intricatâ, ubi larynx, & interidè ubi tenuissima adest divisio, reperiunturque glandulæ, vasaque sanguifera numerosa, multò sæpiùs lethalitas accidere debet. 3. Gula seu œsophagus: exemplis quibusdam, vulneribus dubiis annumerari videntur hujus-ce partis vulnera (12), sed textura & situs sunt nostro judicio argumenta adhuc fortiora quæ pro lethali- tate concludunt. *Rara enim non sunt artis*; & aliunde ex nostrâ definitione, vulnera lethalia, non sunt semper ea quæ sunt insanabilia.

Cordis & vasorum insigniorum.

Pleraque thoracis vulnera penetrantia, lethali- bus esse adscribenda nemo pa- nullum Anatomia gnarus disputabit. Miranda sanè narratur exempla de vulne- ribus cordis quibus perfoffi aliquot horis & aliquot diebus superstites reman- serunt. Omnes etiam meminerunt cicatricis illius in corde hominis cujus cada- ver dissectum fuerat repertæ. Nihilominùs tamen vulnera cordis absolutè letha- lia pronuntianda sunt, sicut & illa quæ vasis ipsi-met adhærentibus insiguntur. Pericardii verò vulnus si non ex se lethale, saltem ex vicinorum læsione ple- rumque necessariâ.

Pulmonis.

Cùm non tota requiratur pulmonum compago ut peragi queat respiratio, ideò non omnia pulmonum vulnera lethalia sunt; talia tamen declarari debent quæ aut plures aut majores earum arteriarum vel venarum ramos, vel bron- chiorum partem notabilem penetrant lacerant-ve; non tam per sanguinis effu- sionem, quàm per effusionis quantitatem subito præfocantem, vel vulneris ma- gnitudinem. Quæ pluries in actibus facultatis Lipsensis comprobata, nullo modo observationibus specialibus Hildani vel Schenckii destruuntur (13). Nec pluris facienda est illorum contradic- tio, qui in exemplum obijciunt homines cum parte

(9) Unum tantùm verticillum si exierit, spinalis medulla magis comprimitur si non etiam abrum- pitur. Hipp. T. de articul.

(10) Commotionis seu elongationis medullæ spinalis duo exempla refert Bohnius; aliquid simile accidere potest inter ludendum, dum apprehenso capite sub mento corpus à terrâ dimoveatur; quòd vulgò vocant, *saire voir le grand pere*.

(11) Talia phenomena si sæpius produxerint paronychia dolores & sequelæ, quantò magis accidere debent ex nervis dimidiato discessis. *Vid. van-Swiet. in ff. 163. 181. 183.*

(12) Ex Schenckio, quidam earcibus detentis sibi gulam quâ parte tracheam spectat faucivir, ita ut latus digitorum æquaret & per ipsum medicamenta cum alimentis transmitterentur, paucis tamen diebus resistentes fuit. Pipraus se sanasse ait juvenem cui à latronibus abscissus fuerat œsophagus, non in iugum quidem, sed ita tamen ut dum elato capite lac bibere statim per vulnus effluere. *Vid. Bohn. pag. 241.*

(13) In illis enim speciebus apud Bohnium legendis nulla timenda erat hæmorrhagia licet satis magna pars pulmonis abscideretur.

pulmonis exiguiſſimâ ſatis diu viventes. Ad illum enim ſtatum ſuppurationis ope gradatim tranſeunt pthiſici, at non itidem vulnerati, qui ſubito inſigni pulmo- nis parte orbantur.

Lower pluries canalem chiloſo-lymphaticum laceravit in canibus, forâs ſan- guis exibat, cibilis intus eſfundeſatur, mors erat in propinquo. Ex illo expe- rimento pondus accipiunt ominoſa quæ ex naturâ & ſitu horum vulnorum exurgunt conſecluræ.

Ductus chi- ſtici.

Diaphragmatis vulnera per ſe lethalia dicenda, non præciſe quòd pars ten- dineâ in convulſiones rapiatur, ſed quòd ex hiatu partes abdominis in thora- cem ſæpe obtrudantur, vel quòd lethifera exurgat inflammatio (14).

Diaphrag- matia.

Innuente Hippocrate, ventriculi, inteſtinorum, hepatis, veſicæ & vaſorum majorum vulnera lethalia ſpectantur ab omnibus (15).

At vel minimè attentus vulnera ventriculi læſionibus per ſe lethaliſus ad- ſcribet. Circâ oriſicia nemo ambigit ex illorum naturâ nervoſâ. Idem dicas de fundo quidquid contradicere videantur hiſtoriæ aliquot in ſcholis celebres. Ni- hil enim arguunt iſte præter conformationem particularem, qualis eſt adhæ- rentia cum peritonæo, obturatio à portione omenti, vel phænomenum rariſ- ſimum (16).

Ventriculi.

Vulnera inteſtinorum indifferiminatim præcedentibus malè aſſimilares. Quan- dòque enim ex ſua naturâ vergunt ad mortem, quandòque ad ſalutem arte mediante. Hinc in illis magni momenti eſt attendere ad *quantitatem, qualitatem* & ſitum vulneris. Quod enim eſt parvum vulnus lethale audit, ſi parti inteſti- norum nec oculis nec manibus perviæ inferatur; magnum autem vulnus, ſi pars læſa proxima ſit integumentis, aliquoties non lethale dicitur, niſi tota inteſtini diameter dividatur. In illo enim caſu lethalitas ſemper pronuntianda: nec tali judicio obeſt Rhambdorei ingenioſa methodus, ut potè quæ ſit praxis diſſicillimæ. Idem ſerè dicendum de craſſorum ac de tenuium inteſtinorum vulneribus. Quod enim per anum artiſicalem curari poteſt vulnus, non minùs periculolum nobis videtur, quàm illud cui ſpes ſola ſalutis adefſt methodus Rhambdoreiana, id eſt in- vaginatio.

Inteſtinorum

Ex cognitâ pancreatis & omenti naturâ, evidens eſt quantitatem vulneris ſo- lam lethalitatem conſtituere in utrâque parte.

Pancreatis & omenti.

Cave ne idem ſtatuas in meſenterio. Si enim ex ſua naturâ lethalia non vi- dentur ejus vulnera, aliud credere jubet celeberrimi Ruſſchii authoritas. Ex legali enim inſpeclione millies Amſtelodami repetitâ, omnia meſenterii vulnera lethalia evadere antè triduum vidit (17).

Meſenterii.

Hepatis vulnera an abſolutè an ſimpliciter lethifera ſint diſputant medici. Nos verò poſitis principiis adhærentes, diſtinguimus inter vulnera quæ aut ſuper- ſiciem, aut viſcus ipſum, aut vaſa cædunt. Prima vulnera dubia habemus, alia certò lethifera.

Hepatis.

Gravior adhuc eſt diſputatio de veſicæ fellis vulneribus & de iſtis ambigi-

Veſicæ fellis.

(14) Vid. *Paré, liv. 9, chap. 20*. . . Sennert. *prax. lib. 2, part. 2, cap. 15*, adeſſe tamen poſſiunt vulnera partis carnoſæ propè coſtas innocua dummodò leviſſima ſint.

(15) Prædictor. *lib. 2*.

(16) Inter illa phænomena forſan nihil curioſius quam obſervatio ſequens. Ex fructibus ablatis ſurens ſenex, juvenis ſervi ventriculum abſcidit ſuri deſcendi cauſâ; mox crimiſis atrocità per- teritus, deſperatam manu in ſe convertit, ſibiſque proprium etiam laceravit ventriculum; ſutura citò factâ convaleſcerunt ambo cum aliquo tamen temporis diſtinctione. *Van-Swict, ibid.*

(17) Van-Swict. in *aph. 170*.

tur. Quidam volunt absolute lethalia esse, quidam verò fieri tantum ex quantitate vulneris. Prioribus adhærere suadet natura & situs vulneratæ partis, dummodò tamen ex solutione bilis effusio sequatur.

Lienis.

Lienis fabrica ita mollis est & vasculosa, ut hæmorrhagiæ quin etiam crepaturæ lethali ex levi vulnere exponatur. Levissima igitur tantum vulnera excipias, fabulisque annumeres quicquid enarratur de facili illius visceris eradicatione.

Renum.

Idem iudicium feret de renibus Medi-us sapiens. Vasa sunt æquidem vulnera renum profunda mortem aufugisse, sed illud perrarum (18). Pro regulâ verò inserviat quantitas vulneris. Hinc ex cortice renum læso vel vulnerato levissime, mortem præfigere forsitan temerarium foret; nullam verò exceptionem ureteres admittunt, nec impunè vulnerantur.

Vesicæ.

Ex se consolidationem non respuit quidem natura vesicæ musculosa; collum enim & partem superiorem impunè sæpè lædit lithotomia tum lateralis, tum alii apparatus. Sed quantum intercedit discriminis inter continui solutionem à peritâ manu solenter factam in corpore ritè præparato & vulnus cæco impetu inflictum! Dantur equidem vulnere fundi sanatorum exempla, sed quæ cum rarissima sint fidem non trahunt (19). Ex iis omnibus colligendum rarissimò vulnera vesicæ è lethalibus eximi posse.

Partium genitalium.

In sexu masculino variam sortem subeunt, si vulnerentur partes generationi dicatæ pro ipsarum varietate. Vasorum spermaticorum inferiorum divisio nem cito mors excipit & illud docet partis natura & situs. Testibus vix graviter læsis sola se offert castratio. Cæterarum verò partium vulnera gravia meritò nuncupantur, sed non lethifera.

Artuum.

Circâ artus denique illa tantum vulnera tanquam lethalia spectamus quæ nec amputatione, nec deligatione sanari possunt. Talia sunt Bohnii iudicio vulnera, tum vasa femoris propè articulum, tum vasa & nervos axillæ dissecantia. S. d. forsân neutrum ex illis est absolute lethale. Compressio enim alter-utrum sanare potest, ut ex nuperrimis constat exemplis, dummodò nimia non sit quantitas vulneris (20). Aliundè feliciter hodiè prædicatur amputatio in articulo brachii. Attamen periculosa dicam vulnera vasorum propè articulum & ideò ad sensum medico-legistarum lethalia, propter compressionis nec-non etiam incedendi ad tempus difficultatem. Cæterorum vasorum vulnera dubiis adscribere conveniet vulneribus.

Contusiones variæ.

Quoad suffragillationes, fustigationes, conculcationes & alias huiusce modi contusiones, cum in cadavere recenti numerosæ apparent & notabiles, lesionem internam designant. Tunc igitur sedulâ dissectione interrogandæ variæ cavitates, causaque mortis oculatum non effugiet examinatore. Pluribus in his casibus cerebri, sæpius thoracem, originem morbi abscondere compertum est.

(18) Juvenis viginti annorum cultro in lumbis vulneratus fuit ad regionem renis dextri; à sanguine in vesicam delapso, per sex dies urinam omnino suppressam habuit. Feliciter tamen & absque lethali & à renum vulnere evasit. Ex Foresto, Vid. *cas-wick. ibid.*

(19) Tale est exemplum illius hominis cui plumbus per sclopetum in vesicam intrusus fuerat, & ex ea non fuit deductus nisi calculus rectus crassa & per lithotomiam.

(20) Juveni arteria cruralis propè articulum esse dissecta fuerat; impossibilis erat amputatio. Supererat sola compressio: illam instituunt viri in arte celebres & quidem feliciter; postridie chirurgus quidam de facto dubitabat, nec mora, imprudenti curiositate solvitur apparatus, sanguis profluit arterosus; itam eodem iteratur compressio cum eodem successu. Tutius adhuc prædicari potest compressio arterie brachialis, pressione factâ super claviculam, modo à D^o. Camper designato. Narrat *CIAN. M. l'eq-d'Ayr in pract. sus Chirurg.*

Suum denique periculum speciale habent luxatio, fractura, armisque igniferis productæ solutiones. Sed de illis speciatim differere prohibet locus. Illud dicere sufficiat, quod non iniquè æstimanda nobis videatur illorum periculum methodo superius commendatâ. Vulneribus verò venenatis conditio specialis inest, ex symptomatibus non facili judicio eruenda, ut alio in loco probavimus (21).

Vulnera complicata.

I V.

QUANQUAM ex primariâ vulnerum conditione erui debeat ipsorum-met lethalitas, non minùs tamen perpendenda sunt alia vulnerum symptomata conditionem vulneris subsequenter vel secundariam constituentia. Si enim priorum consideratione detegatur veritas, posteriorum examine confirmatur. Hinc qui iis non attendit Medicus, duplex incurrit periculum. Vel enim confundit symptomata secundaria cum primariis & sic mortem ex contingentibus accidentem vulnere, non soli causæ tribuit; vel causam mortis accidentalem ignorat, dubiumque movet ubi adest certi responsi materies. Igitur à principibus artis illud monitum recipiunt Medici ut quantum fieri poterit omnes morbi circumstantias recolligant (1); sed illud postremum non immeritò addendum credimus, nempe necessariò distinguendum esse inter conditiones vulneris essentielles & eas quæ sunt accidentales. Ex istius enim distinctionis mente separatim expendet vir interrogatus quid fluat à conditione vulneris primariâ, quid à secundariâ. Hinc attendendo ad conditionem secundariam omnes & singulos effectus accidentales, scilicet effectus à morbis præcedentis, errore medentis, neglectu ægri, vel à natura loci oriundos seorsim & intrinsecè æstimabit, mortemque ab illis productam vel nascenturam nunquam in vulnus rejiciet. Quod opus licet facillimum primo aspectu videatur, præcipitanter tamen non est instituendum; accidentalium enim in vulnere effectuum ita dignosci debet natura, ut unusquisque quatenus & quantum in rem confert in relatione nuncupetur.

Quodnam commodum afferre possit conditionis vulnerum secundariæ consideratio

Quid comprehendat conditio vulnerum secundaria.

Et primò cum morborum vulnere præcedaneorum adest suspicio, nihil omittere debet Medicus ut illius morbi naturam, gravitatem & vim efficientem apprime calleat. Ex solâ enim morbi præcedentis existentia & vestigiis in vulnere dimanantibus non excusatur percussor; requiritur insuper effectuum morbi gravitas, eò usque devescenda ut à levissimo vulnere mors jam ad fores necessario pulsare debuerit. Talis est abscessus pulmonis vel alius visceris jam maturus, & alapa vel levissimo ictu ruptus. Talis est aqua jamdudum congesta in cavitates, vel diathesis humorum labe virulentâ omninò pessumadata. Parimè est faciendâ in illo casu temperamenti mentio: ea est enim medico-legistarum severitas, ut plurimum judicio, nullo modo excusare possit percussorem ipsa-met conformatio corporis læsi ita particularis, ut minimo ictu destructa ruat; qualis foret v. g. tenuitas maxima ossium cranii (2).

Morbi præcedentis.

Quæ vulnera ex incuriâ lethalia fiunt conscripsit Boerrhaavius 10. vulnera encephali terebrâ levanda; 2. vulnera arteriæ, venæ-ve majoris in loco ad quem manus Chirurgi pervenire potest; 3. Viscerum ad quæ manus & medica-

Incuriæ.

(21) Vid. nostram Thesim *An post mortem Physica veneni certitudo difficilè comparanda?*

(1) Non sufficit sola vulnerati inspectio, sed & cognosci debent omnia quæ vulnerato acciderunt post vulnus infectum. *VanSwient. T. 1. ibid.*

(2) Vid. Paul. Zachar. Quest. Medico-legales, lib. v. tit. 2. quæst. 3. Bohñum ibid. de deponendi modo, &c.

menta cum effectu sanationis pervenire possunt; 4^o. quæ mortem inferunt emissio suo liquido in cava illa unde id educi sine discrimine vitæ potest. Sed de his quis iudicium ferre audeat, nisi ea perfecte edoctus quæ ad vulnorum per se lethaliæ cognitionem pertinent?

Error me-
denis.

Ex errore Chirurgi frequenter sanæ funestam induerunt indolem vulnera. Quantâ igitur prudentiâ opus est Medico in illis circumstantiis pronuncianti. Ecquis enim funestâ experienciâ non didicit, vel nunquam discere confidit quàm proclivis in errorem lapsus minus cautos inducat? Deficientibus itaque artis salutiferæ ministris concedendum quod pietas jubet, ita ut veritati tamen nihil ex injuriâ detrahatur. A pronuntiando igitur absteineat ille cui veritas non affulget meridianâ luce clarior. Cæterum verò negligentia medentis mors apertè tribuenda, cum vel terebratio evidenter necessaria, vel arteriæ discissæ deligatio, vel sanguinis effusio evacuatio neglectæ fuerint. Idem esto iudicium cum acerrima, caustica tendinosis & membranosis partibus applicata fuerint, cum turunda in- cidit in cavitatem pectoris vel abdominis; nec absimile etiam fuerit dum Gastro- raphia impudenter praticatur, dum rudi & inexpertâ manu multatus, nimio dolore convulsus expirat æger & in aliis ejusdem generis. Quot mala etiam non produxit specillorum imprudens tractatio, seu plagas in vivis, seu in cada- vere sinus varios efformando (3).

Neglectus
ægrî.

Error ægrî mille modis ad mortem conducit. Casus verò illi miserandi sæ- pius accidunt quoties diætæ indocilis, naturæ & artis conamen perturbat æger imprudens. Alter irâ vel alio pathemate permotus febre lethali rapitur. Alter Veneri & Baccho indulgens intemperantiæ brevi duras luit pœnas. Quot & quantis observationibus nitatur horum eventuum veritas nullus nescit Medicus (4).

Tempus &
locus.

Ex loco, ex tempore pluries mors à vulnere nequaquam expectanda ingruit. Sic sæpè aeris incognita diathesis vulnorum consolidationi obstat. Illud observa- verat Paræus in obsidione Rothomagensi & in agro Dionysiaco. Hæc observatio à multis authoribus iterata quotidie renovatur in nosocomiis. De tempestatis influxu quis dubitet, cum temporibus æstivis laudabiliorem vulneris faciem in pessimam, disto citius, cœli inclementiâ mutare viderit.

V.

Consequen-
tia gravis.

EX his patet, quàm inconsultò tempus è quo vivis decessit vulneratus, pro regulâ iudicii in quæstionibus de lethalitate vulnorum, vulgò habeatur. Hic enim septem, illic novem, alio in loco quadraginta dies pro termino sumunt, antè quem à vulnere, postea verò à causâ extraneâ lethum repetunt. Sed quot erroribus scatens præiudicium illud! Supponit enim vulnera omnia eosdem fortiri effectus in omnibus hominibus, quod falsum esse radioribus facillè apparebit; negligit enim attendere qui tali præiudicio imbuuntur, post vulnus ex se non lethale quandòque citissimam mortem successisse, quod tamen experientia diu- turna demonstrat; talis est casus arteriæ discissæ & non deligatæ, abscessus commotione vulneris rupti, errorum multiplicium & aliorum in præcedenti paragrapho recensitorum; nec etiam animadvertunt, vulnera funestum suum exitum non rarò producere longo fatis intervallo post vulnus inflictum. Illud ta-

(3) Innumera potuissim in allegatorum fidem censere ex variis authoribus, sed plura vetant operis limites & angustia.

(4) Vid. van-Swieten locis jam citatis & sequentibus.

men observatoribus frequenter occurrit, five in abscessibus & carie cranii, five in intestinorum læsionibus & in aliis casibus.

Igitur etſi quandoque tempus mortis eò citiùs accidat quòd vulnus eſt magis lethale, huic tamen ſigno conſidere periculofum (1). Tuta verò nec ſatis commendanda effectuum vulneris conſideratio. Ex illà brevi exurgit graviffima in noſtrà quæſtione diſtinctio in effectus eſſentiales & accidentales. Poſteriores à prioribus ritè ſeparati vulnerum acciderent lethalium cauſas ſuppeditant; priores verò maximè diſtinguendi quòd ex illis ſolis vulnerum lethalitas indicari poſſit: quod tùm ratiocinio, tùm exemplis probatum credimus; ſupereſt igitur ut concludamus.

Concluſio.

Ergò à primarià vulnerum conditione, ipſorum-met lethalitas apud iudices repetenda.

(1) Jurisperitorum eſt perpendere an jubeat bonum publicum certum temporis ſpatium determinare ultra quod percuſſor non teneatur de occiſo, quidquid ſit de mortis cauſa; nobis verò, medicis de phyſico vulnerum effectù interrogatis, quid aliud agere convenit quàm juxtà naturam, ſalutiſeræque artis principia reſpondere:

DOMINI DOCTORES DISPUTATURI.

M. Claudius-Antonius CAILLE,
è Societate Medicà Edimburgenſi, è Regià Societate Medicà Pariſienſi pro Epidemiis inſtitutà.

M. Philippus - Alexander
BACHER.

M. Claudius-Andreas GOVBELLY, Chirurgia Latino idiome Profeſſor.

M. Antonius - Laurentius DE JUSSIEU, Eques, Regi à Conſiliis & Secretis, Regiæ Scient. Academia Socius, è Regià Societate Medicà Pariſienſi pro Epidemiis inſtitutà.

M. Joannes-Jacobus NOLLAN.

M. Benjaminus - Michael SOLIER DE LA ROMILLAIS, Anatomes & artis obſtetricæ in gratiam Matronarum Profeſſor.

M. Bernardus - Nicolaus
BERTRAND.

M. Stephanus - Ludovicus GEOFFROI, Regi à Conſiliis & Secretis, è Regià Societate Medicà pro Epidemiis inſtitutà; Societatis Botanica Florentinæ, necnon Patriſtica Stokolmienſis Socius.

M. Dionyſius PAUTIER DE LABREVILLE, S. Comitibus Gallo-Provincia Medicus Primarius.

Proponerebat Pariſiis, FRANCISCUS DOUBLET, Carnutæus, Saluberrimæ Facultatis Medicinæ Pariſienſis Baccalaureus emeritus, nec-non in ſupremo ſenatu Patronus, Theſeos author.

A SEXTA AD MERIDIEM.

Typis QUILLAV, Univerſitatis & Facultatis Medicinæ Typographi, 1778.